

鼎鑿幼幼集成

鼎鑊幼幼集成卷之五

羅浮陳復正飛霞氏

刪訂

萬氏痘麻

廬陵劉

勦家孟氏

校正

遂陽周宗順虛中氏

參定

○天元賦

痘本胎毒俗曰天瘡傳染由於外感輕重過於內傷
初起太陽壬水尅乎丙火次歸陽明血水化爲膿
漿所喜者紅活鮮潤可畏者黑陷焦黃勢若燃眉
變如反掌皮膚臭爛血氣虛耗若救焚兮徙薪何

如焦額似拯溺兮落井不及寬裳原乎一元肇化
二索成祥慾火動而妄作胎毒熾而流殃啼聲驟
發機毒深藏命門養火胞戶收儲待四時之疫癘
動五臟之皮囊榮氣逆於腠理惡血發於胸肱二
火相煽四大成瘡毒之輕者發則微貴乎調養毒
之重者發則密急於隄防至於運氣推遷有於勝
復升降時令乖異無非寒熱溫涼苟陰陽之逆理
爲氣候之反常五行鬱而災見九曜窒而變彰厲
氣流行無論郡邑鄉黨惡毒傳染豈分黎庶侯王

此則不形於診，貴在能制其亢，先事解散。今十全八九，臨時區處，今止曰尋常。

大抵氣運先歲，痘疹屬陽。春夏爲順，今樂其生長；秋冬爲逆，今惡其收藏。暴寒，今恐邪毒之鬱遏；暴熱，今慮腠理之開張。膿疱，春而莫療，黑陷，夏以爲殃。秋斑實惡，冬疹非祥。此逆四時之令，休誇三世之方。且如證候殊形，臟腑異狀，肝主淚而水泡，肺主涕而膿漿，心斑紅艷，脾疹赤黃。惟腎經之無證，惟變黑而可妨。所以觀乎外候，因而辨其內臟。呵欠

頓悶兮肝木之因、咳嗽噴嚏兮肺金之相、手足冷而昏睡兮脾土困於中央、面日赤而驚悸兮心火炎於膈上、耳聾屬腎溫煖如常、二處燦熱兮下極火炎而必斃、四肢厥冷兮中州土敗而傾亡、

先分部位、次察災祥、陽明布於面中、太陽行於頭上、心肺居胸膈之要、肝膽主脇腋之旁、手足司於脾胃、腰背統於膀胱、泄瀉者邪甚於下、嘔吐者邪甚於上、氣逆而腹痛、隱隱毒深而腰痛、皇皇心熱甚而摘撮胃邪實而顛狂、鼻燥咽乾、肺受火邪而液

竭■瘦溺澁腎由火旺而精亡氣弱減飡者不任其毒神強能食者不失其常

欲決重輕但觀發熱如占順逆須認其瘡毒甚分身如炎火熱微兮體或清涼若寒熱之來往定徵兆之佳祥數者施出兮春回陽谷一齊湧出兮火烈峴峴蚊跡蚤斑刻期而爲鬼錄蛇皮蠶殼引日而返泉鄉不喜珠紅更嫌灰白最宜蒼蠟切忌紫黃常要明潤兮恐溥嫩之易破不宜乾枯兮防搔癢之難當惡候如此上工審詳面頰稀而磊落清安

可保、胸膈密而連串、凶吉難量、頂要尖圓、不宜平
陷、漿宜飽滿、切忌虛空、刺顏色喜老而惡嫩、皮膚
變糙而怕光、微起根窠、終防癰塌、丹浮皮肉、必主
天殤、頭面預腫、三陽亢甚、手足厥冷、五臟摧
傷、瘡堆喉舌、毒纏頸項、咽喉痛而呼吸則難、飲食
少而吞吐則噎、此天命之安排、豈人力之可使、
煩燥悶亂、七神離散、譫語眩冒、五毒猖狂、鼓項
戰慄、分肺敗、咬牙口噤、分腎傷、渴不住、分焦膈、瀉
不止、分滑腸、失聲、分咽爛、吼氣、分腹脹、晝夜搔爬

分將榮衛之外脫乳食斷絕兮必胃氣之受戕腫
忽消毒歸於裏色反黑疔起於瘡食穀則噎兮在
嬰兒之命促飲水則噴兮較醫工之短長

輕重反復調理乖張輕變重而可畏重變輕而莫慌
風寒素慎飲食如常出入禁乎男女蓋覆適其溫
涼內無妄動治不乖方此則變輕之候實爲保命
之良若當犯乎禁忌或誤投乎丸湯徒肆房室不
順陰陽外感不正之氣內傷不時之糧平人且病
患者敢當是以順則逆而逆則險宜乎輕變重而

重則亡

發自肺經、相連脾臟、氣熱味辛、燥金受尅、形寒、飲冷
華蓋先傷、滯飲則水來侮土、而成泄痢、過食則脾
不運化、而作痞脹、皮毛虧損、肌肉虛起、發遲而
不胖壯、收磨緩而作膿瘡、輕則延綿、乎時、重則
泣送於郊、邴、奈愚夫之不曉、致生命之夭亡、不信
醫而禱諸神鬼、枉殺牲而號乎穹蒼、

藥貴中病、醫不執方、喜行溫補者、動稱平、文中專用
涼瀉者、祖述乎仲陽、貴其因人而治、相時而行、正

氣爲先、戒開門延寇、解毒爲急、休視虎如狼、首尾不可汗下、法之固執、緩急各有權宜、治之經常、拘其繩墨者、如守株之待兔、惑於方書者、似多岐以亡羊

且如紅掀紫腫、今涼血爲上、灰白平陷、今補氣最良、出不快、分責表實而發散、可用便或秘、今責裏實而疏利、何妨、毒不能速解、毒甚者、令微汗之、散越熱不可盡除、熱劇者、使小便之清長、三陰多寒、今必投辛熱、三陽多熱、今無過苦涼、安可惡寒而喜

熱莫知貴陰而賤陽

是故補氣者參耆白朮養血者歸芍地黃發散表邪
輕葛根而重官桂疎通裏實微枳殼而甚大黃解
毒分苓連梔子快斑兮荆防牛蒡連翹藥內之要
領甘草方中之君相咽痛求諸甘桔頭腫取乎羌
防木通利其小便人尿攻其黑瘡氣逆兮青皮陳
皮胃寒兮丁香木香泄瀉無如蒼朮嘔吐莫若生
薑麥冬乾葛而止渴厚樸腹皮而消脹望月砂退
翳有準穿山甲折毒無雙枳實麥芽山楂子消宿

食而尅化大黃乾葛地骨皮解餘熱以清涼咳嗽
以枳桔又用杏仁痢疾以黃連再同木香苦參主
平熱毒溺自治其疳瘡用之合宜工可稱良

其諸藥物各有主張春夏桂枝而少服秋冬苓連而
莫嘗瘡若乾枯白朮非其所貴色如紅艷黃耆豈
可入方裏虛少食者勿投枳實表虛多毒者休使
生薑汗自出今用乾葛重虛其表溺本數今加木
通再損其陽泄瀉酸臭今柯薤不宜輕用嘔吐清
冷今連梔安得作湯凡用苓連必資炒製如加丁

桂須假寒涼應制伏而不誅無過保和平而萬壽
無疆

大勢若平餘邪須講熱毒流肝今雙睛生翳火邪入
脾今四肢成瘡口内生瘡今爛齦破舌腹中作痢
今腐胃敗腸皮膚嫩而洗浴太早因以添熱臟腑
虛而甘肥太過遂致內傷若中風寒凝痰作嗽如
逢搏指灌蝕歸瘡

嗟夫罹此證候其苦非常外纏皮肉內連肺腑改換
形容如蛇蛻皮龍蛻骨淋漓膿血若蚓在灰蟬在

湯軒岐置而未言秦漢棄而無方古無此證或云
起於建武今有是疾相傳得於南陽拘於日數者
不知輕重之貴執其偏見者在增虛實之防本溫
再熱已寒又涼徒自膠而必固反致惡而見殃洩
骨髓之真詮非其人而不授宣肺腑之秘奧牢記
誦而莫忘

○痘疹西江月 凡四十九首

痘疹毒從何起母胎火毒流傳生來穢物下喉咽藏
在命門裏面一旦天行時氣感令相火熬煎毒從

骨髓見皮間彼此一般傳染

五臟各有形證認時須要分明往來寒熱睡脾經呵欠頓悶肝證咳嗽噴嚏受肺面紅驚悸屬心惟腎清靜忌邪侵手足耳尻俱冷

五臟各有一證其問治法難同肝爲水泡肺爲膿大小瘡形異種脾證發爲疹子心經現作斑紅腎爲黑陷病多凶縱有靈丹何用

痘疹要知順逆天時人事相隨大端陽火是根基若遇陰寒不喜春夏發而多吉秋冬逆以何疑如逢

稠密必凶危稀少方爲平易

治法而今不定清涼溫補分明各持一見論紛紜目
口予爲神聖解毒喜行涼瀉補中愛使辛溫不明
時令與元神枉自捕風捉影

假令天時暄熱辛溫助爲灾殃嚴凝涼解雪加霜病
者何如抵攬壯實再行溫補虛厄又使寒涼虛虛
實實伐元陽無異隔靴爬癢

看取時行疫厲天時熱氣炎炎精神肥健食能兼解
毒清涼甚便若是風寒太甚虛羸之病連綿此宜

溫補法爲先、又在醫人活變、

痘疹要知輕重、吉凶順逆精通、毒輕瘡少順家風、湯藥不宜妄用、瘡密毒重爲逆、皮膚寸寸成膿、此般形證、例多凶、仔細扶持休縱、

輕者三四次出、頭面胸背稀疏、小便清利大便稠、飲食如常充足、重者遍身齊出、狀如麻子麥麩、咽疼泄瀉、悶悠悠、飲食不思可惡、

多有先輕後重、只因觸冒風寒、房勞不避穢腥、干食飲偏於冷暖、閒雜人帶穢厭、諸般禽獸盤桓、庸工

術淺誤湯丸反使痘瘡變換

重者變輕何以常常和暖衣衾房中謹密少人行飲食隨時添進未見誤投湯藥不曾妄啖酸腥此爲人事奪天靈安可歸於有命

要識痘瘡死證無過五證分明紫黑喘渴悶何寧癢塌咬牙寒噤灰白頂陷腹脹皮嫩易破成坑泄瀉氣促見鬼神聲啞頭面足冷

既識五般死證其間吉病如何瘡頭飽滿作膿窠任是推磨不破四畔根盤紅活安眠靜臥平和光壯

收斂不蹉跎，管取介疾勿藥。

黑陷乾枯，腎敗咬牙寒，戰肝傷，失聲喘氣，肺摧創，泄瀉脾虛，腹脹癢，塌悶亂心死，狂言見鬼神，亡皮嫩，易破氣，無陽便血，陰崩模樣。

首尾不可汗下，汗時腠理開張，風寒易入，透斑瘡，收靨不齊，火旺候下，必犯脾胃，無事自取內傷泄瀉，黑陷致傾亡，枉使冤靈飄蕩。

大抵痘瘡未出，先須升葛參，蘓如斯不出汗，忙疏紅點見時，藥住大便，若還秘結，輕輕四順，相符假饒。

自利伐無辜定與閻羅掌簿

調痘無過二法補中解毒兼行補中參木草耆苓枳實山楂有應解毒苓連梔檳連翹枳實防荊芎歸養血妙如神加減消詳前定

血氣要分虛實但於瘡色推求紫腫紅掀血實由四物內加解毒灰白中陷氣弱四君子是良謨畧加解毒藥相符補氣實脾無誤

但是痘瘡初出如逢熱盛昏醒解毒發散藥先行莫待臨渴掘井桔梗升麻乾葛連翹甘草黃芩牛蒡

梔子木通荆蟬蛻防風作引

若是如常潮熱只消乾葛升麻芩連甘草赤芍加牛
蒡連翹無價或用參蘓飲子青皮木香內加煎來
一服勝靈砂痘見表疏纔罷

初熱多生搐搦急將導赤疎通木通甘草與防風生
地黃連同用再着辰砂調服須臾救護朦朧此方
端的有神功管取行之必中

壯熱不會出現大便秘結難通顛狂唇裂眼珠紅此
證凶危堪慟急與芩連梔蘖大黃酒炒疎中連翹

牛蒡與木通、貫衆、射干俱用。

自此出而稠密、認他虛實、調醫虛家泄瀉、色如灰、大補十全、堪取。若是腫掀紅綻、芩連、梔、蘞、歸、翹、芎、升、葛、桔、甘、奇、此個真機妙秘。

灰白不能起發、又加泄瀉頻頻、溫中妙藥不宜停、急扶危濟困、當歸、黃芩、芍藥、甘草、乾薑、人參、木香、梔子及青陳、官桂、丁香、靈應。

毒甚常生咽痛、可憐飲食難嘗、射干、甘桔最相當、連翹、升麻、牛蒡、若是痘堆頸項、此名鎖膈、悽惶一朝。

破爛命將亡變作暗啞水噎

起發狀如蠶殼乾枯不見水漿此名血竭毒歸藏不治必然命喪當歸地黃養血參耆甘草溫良連翹牛蒡與木香桔梗青皮發旺

起發常將撚視切防黑陷來攻若然黑陷現其中藥點許多妙用豌豆七粒燒過亂髮火煨和同珍珠水浸胭脂紅針破搽之自腫

藥點反加黑陷喪門吊客忽忽百祥牛李與宣風總是脫空賣弄不如人貓鷄犬四股屎煨和同木香

湯引妙無窮妙法半文不用

起發初生搔癢比於癢場爭差傷寒身癢表留邪痘
亦同茲休訝治用疎風涼血荆防翹芎芎麻地黃
歸葛效堪誇竹葉木通無價

大抵痘宜脹痛最嫌虛癢相干只因飲食濕邪攢心
火尅而悶亂外宜茵陳艾炷內宜參朮湯丸若還
癢止證方安抓破面皮凶斷

何爲正面怕癢面含五臟精華假如破損實堪嗟氣
散魄飛魂罷尤忌先傷正額心經火帶虛邪幾番

試驗不爭差寄語明人體察

人相火居正額出現胖壯休先果然額上痘蟬聯大抵凶而不遠喜是兩頤口鼻始終都在其間任教稠密勢纏綿到底終無傾險

起發成漿欲靨忽然泄瀉來攻此時脾胃不宜空變出百端可慟多是內傷飲食只求藥有神功若還消腫泄淋膿父母北邙泣送

先用人參白朮黃耆炙草煨薑茯苓山藥及木香大劑煎來溫養不效次求豈蔻木香芡實良方三番

只有異功良此實盡頭酌量

記取成漿欲壓最防厭穢腥羶大黃蒼朮共燒烟可
解一切穢厭內服調元飲子黃耆灸草人參當歸
蒼朮酒芩連犯着荆防卽變

到得成漿痘發依時都要成痂若還腐爛臭腥加此
是表虛堪誅急進參耆歸朮荆防蒼葛升麻連翹
牛蒡密蒙花休得弄真成假

若是痘瘡發爛皮破膿血淋漓內服歸朮與參芪半
芎連翹官桂外用多年敗草晒乾研細成灰鋪開

床席任施爲，毘解火邪毒氣、

瘰癧不能收較，反行破爛成瘡，一時焦痛甚難當，請問如何發放，但取甘草滑石辰州豆粉清涼蜜調塗上便安康，此法不留書上、

有等瘰癧純正緣何日久難收，請君仔細問根出，不可臨時差謬，或是會傷冷水或因秘結熱留，兩般治法各推求，不枉青囊異授、

傷冷水濕傷脾胃皆虛，脾應肌肉主中區，無怪血膿流注，可用參耆蒼白青陳甘桔無拘丁香

官桂有方書收裏收表妙處。

如是大便秘結三朝一七未通此爲熱氣內蒸烘因
此毒難開縱內服歸黃麻子、大黃畧入相攻再行
膽導妙無窮管取成痂去壅。

收後許多餘證醫家須要分明毒留肝臟目生赤翳
障瞳人隱隱毒入肺脾癰腫責歸手足陽明內傷
外感要調停免致多生怪病。

兩目忽然腫痛痘家毒入肝經輕爲泚翳掩瞳睛重
則終身廢病去翳菊花蟬蛻紫花蒺藜穀精各爲

細末共和勻湯煮猪肝作引

雖毒發於肢節常常膿血不乾不知調理早求安廢
疾終身爲患內服千金托裏外塗太乙金丹排膿
長肉未爲難任是千金不換

痘後不宜澡浴痘死皮嫩易傷不知禁忌受寒涼遍
體熱生痛僵此因傷寒勞復不宜官桂麻黃只須
九味羌活湯次以補中調養

痘後或傷飲食致令腹痛非輕不宜轉下損脾經
導方爲對證白朮人參枳實黃芩大麥青陳山查

白朮與砂仁積化痼疾俱定

痘爛不齊收靨正面灌痛流膿急防兩目毒來攻解
毒清涼好用酒炒苓連梔檳連翹蟬蛻木通升麻
牛蒡苦參同細研酒丸酒送

大凡痘瘡一證名爲百歲聖瘡如龍蛻骨換心腸又
似蟬蛻殼樣出現光壯收靨落痂顏色相當飲食
寒暑順陰陽自此精神長旺

○痘有順險逆并五善七惡之證

順證○氣血冲和痘毒宣暢精神素健食飲如常不

必施治

險證○氣血不舒痘毒壅遏或雜證攪擾開落失期
速宜施治

逆證○痘毒凝結氣血乾枯怪證叢生病不對藥治
之無功

五善○一飲食如常 二大小便調 三瘡色紅活
皮厚堅實 四脉靜身涼手足溫暖 五聲音清
亮動止安和五者不能盡得得一二亦自清吉

七惡○一煩燥悶亂譫妄恍惚 二嘔吐瀉利飲食

不能三黑陷焦枯癢塌破爛、四頭面預腫鼻塌
肩擡目張唇裂、五喉舌潰爛、食入卽嘔、飲水則
噎、六寒顫咬牙聲啞色黯、七腹脹喘促、四肢
厥冷、七者不必皆有、有一二亦自難爲、

七惡之外、又有渾身血泡、心腹刺痛、伏陷不起、便
溺皆血、尋衣撮空、是又卒死而不可救者、

○一痘疹總畧歌

凡一十一首
共一十五方

痘雖火毒肇胚胎、不遇天行不見災、

郡邑若逢疢癘日、預施靈藥解將來、

凡痘疹之證皆由父母胎毒蓄於命門之中命門者
下極丹田也爲人身生化之源或遇冬溫陽氣暴
泄人則感之觸動和火至春夏生長之時卽發傳
染相似是謂天行疫癘也未出痘疹者但覺冬溫
宜先服解毒之藥如辰砂散三豆湯代天宣化丸
之類使毒氣無傾伏留連之患如脾胃素弱者更
宜調其胃氣間以四君子湯加陳皮木香之屬與
之使胃氣和暢榮衛流通庶痘易出易

予按代天宣化卽韓氏之五瘟丹也苦寒剋創損

胃敗脾、縱能解、痼癘之毒、未必能預解先天之毒、
卽使能之、亦只可行於藜藿稟實之兒、倘膏粱稟
怯、不察妄投、吾恐毒未解而胃先損、痘未至而中
已寒、預伐無辜、暗傷真氣、及出痘時、反不能救、天
枉相仍、咎將誰諉、蓋藜藿稟實而毒輕、無俟於解、
膏粱稟薄而毒重、勢不能解、豈有先天之毒、深藏
潛伏於命門之中、毫末發覺、而敢用此沉陰沍寒
之品、預伐其生機、誠爲危道、必不可行、卽欲解之
又不若三豆湯之爲得也、

欲知痘疹吉凶機

察色觀形在細微

年壽山根猶緊要

鮮明可喜黯青非

痘疹未出之先欲知吉凶輕重但於面部推之其色
紅黃明潤者吉青黑昏黯者凶相書以山根管命
宮年壽管疾厄所以二處猶爲緊要也

汗下雖然謂不宜

刺舟求劍豈通醫

能分虛實知權變

可越乾坤造化維

首尾不可汗下誠痘科固執之言然亦自其平證語
之耳若遇風寒外感應出不出則汗劑仍不可少

如大便連日不通煩悶狂燥不與下之寧不夭人
生命是下劑在所必用但能消息虛實與時權變
斯可謂之通醫

始終便溺自調嘉 便若艱難事可嗟

腹脹喘呼多壅遏 急行疏導免留邪

此言可利則利者也大抵豆蔲始終小便清利而大
便滋潤者爲順若小便或秘急宜利其小便宜八
正散若大便秘結速用通幽湯滋潤之

痘家脉證喜中和 徐疾由來不可過

弦急浮洪爲實候 微遲短濡屬虛多

夫人以胃氣爲主、脉亦當以胃氣爲主、脉有胃氣、則氣象中和、所謂弦不弦、石不石者是也、太過爲實、不及爲虛、最宜消息、

痘疹傷寒證一般 上工臨證貴詳端

休將汗下輕相試 解表和中病自安

痘疹發熱、與傷寒相似、但傷寒只見一經形證、若痘疹則五臟之證皆見、如呵欠、頓悶、肝證也、乍冷乍熱、手足稍冷、好睡、脾證也、面燥、腮赤、咳嗽、噴嚏、肺

證也驚悸不寧心證也尻涼耳涼腎之平證也若
尻耳俱熱則邪伏腎經也

痘疹雖然本屬陽 往來微熱始相當

倘逢晝夜身如火 解毒須教小便長

凡痘疹屬陽非熱不成故治痘不可盡除其熱如熱
太甚毒未發盡只宜解毒兼利小便宜連翹升麻
葛根湯

食飲能多胃氣充 自然榮衛兩豐隆

休言食少無他慮 但恐脾虛毒內攻

痘疹始終能食者其人脾胃素強自然氣血充實易壯易靨若一旦食減卽宜詢問或咽喉腫痛宜甘桔湯傷食者橘皮湯若非已上二證因脾胃氣弱不能消食者宜參苓白朮散運用之

最宜安靜端和平 表裏無邪心自清

忽爾燥煩宜審諦 更防神爽欠分明

痘疹以安靜爲貴此表裏無邪不必服藥但有煩燥必毒氣壅併表裏不寧宜審諦之如搔爬不寧瘡癢也心神不寧裏熱也呻吟不止瘡痛也非折肱

之手莫能識其病情已上治療見後

四時分治證須真 暑濕風寒各有因

異氣莫教輕觸犯 災危反復立纏身

大凡治病之道春夏養陽秋冬養陰故春病治在肝
夏病治在心秋病治在肺冬病治在腎不可逆也
治痘之人切須識此如天有烈風暴雨酷暑嚴寒
常要謹其帷幙適其寒溫寒則蓋覆欲厚熱則居
處欲清苟傷熱則血氣淖澤瘡易腐爛偏寒則血
氣凝滯瘡難起發若有觸犯輕則變重平生異證

是謂災怪如暴風連日病見傷風之證治以桂枝
葛根湯如寒威凜烈病見傷寒之證治以正氣散
若酷暑熏蒸病見熱證治以人參白虎湯倘值久
雨侵淫有受濕之證泄瀉身重治以胃苓湯

治痘皆言在補脾 補中有害少人知

虛虛實實休輕放 審證施方貴合宜

凡痘疹始終以脾胃爲本若飲食如常六腑充實不
須服藥若補其脾反增煩燥爲害匪輕倘不能食
常多泄瀉此氣虛也宜四君子湯助之可也

○入方

辰砂散○預解時行痘毒

鏡面砂

一錢研末水飛

乾絲瓜

近帶三寸連皮帶子燒灰存性

右研末蜜水調分三次服

三豆湯○預解痘毒不損元氣

紅飯豆

一升

黑大豆

一升

鮮萊豆

一升

生甘草

三兩

右以三豆淘淨甘草切碎入雪水八升若無雪水以長流水代之同煮豆熟爲度去甘草將豆晒乾又入原湯內再浸再晒汁盡爲度逐日取豆與兒

食之最解痘毒

代天宣化丸 即五瘟丹

預解時行疫癘傳染相似併治痘毒

人中黃 病土甲巳之年為君 片黃芩 屬金乙庚之年為君

川黃蘗 病水丙辛之年為君 黑梔仁 屬木丁壬之年為君

雅黃連 病火戊癸之年為君 鮮苦參 佐 荆芥穗 佐

北防風 佐 淨連翹 佐 山豆根 佐 牛蒡子 佐

家蘼葉 佐

前五味視年之所屬者以為君其餘四味以為臣

爲君者分兩倍之爲臣者半之爲佐者如臣四分
之三冬至之日修合爲末取雪水煮升麻湯加竹
瀝在內煮神麴糊爲丸龍眼核大用辰砂明雄爲
衣每服一九竹葉湯下

製人中黃法取大甘草不拘多少納於新竹筒中
繫塞其口放在糞缸中浸七七日出起晒乾聽用
八正散○治痘疹小便秘澀宜清心火利膀胱

淮木通 白滑石 小甘草 淨連翹 綠升麻

結猪苓 赤茯苓 陳瞿麥 淡竹葉

已上各一錢

燈心十莖水煎熱服

通幽湯○治癰疹大便秘結宜潤腸涼血降火

紫草茸 當歸尾 懷生地 火麻仁 陳枳殼

酒大黃 尖檳榔 鮮紅花 桃仁泥

俱等分

生薑一片爲引水煎熱服

連翹升麻葛根湯○治癰毒不能盡發宜升托之

淨連翹 綠升麻 粉乾葛 京赤芍 芽桔梗

酒黃芩 黑梔仁 淮木通 麥門冬 牛蒡子

白滑石 炙甘草

淡竹葉七片燈心十莖爲引水煎熱服

加味甘桔湯○治痘疹不能飲食由咽喉作痛

大甘草 芽桔梗君 牛蒡子 鮮射干 綠升

麻 荆芥穗

燈心十莖水煎熱服

橘皮湯○治痘疹不能飲食由傷食所致

廣陳皮 杭青皮 陳枳殼 南木香 生甘草

山楂肉 白雲苓

麥芽一撮爲引水煎空心服

曉明按下
枳當作梗

參苓白朮散○治痘疹脾胃虛弱不思飲食

官揀參 漂白朮 白雲苓 粉甘草 京楂肉

真廣皮 芽桔桔 南木香

砂仁三粒爲引水煎半饑服

桂枝葛根湯○治痘疹初起傷風咳嗽自汗

柳楊桂 京赤芍 粉乾葛 北防風 炙甘草

生薑三片大棗三枚水煎熱服暑煖蓋覆

正氣散○治痘疹初起因傷於寒作熱無汗頭身痛

肢強

漂蒼朮

廣陳皮

川厚樸

南木香

淨麻黃

柳楊桂

炙甘草

生薑三片、大棗一枚、水煎溫服、

人參白虎湯

治痘疹初起、夏月傷暑、大熱煩燥、作渴、

官揀參

淨知母

熟石膏

陳香薷

大麥冬

藿香葉

白扁豆

淡竹葉

炙甘草

粳米一匙、爲引、水煎熱服、

胃苓湯○治痘疹初起、傷濕泄瀉、身重、

漂蒼朮

廣陳皮

紫厚樸

漂白朮

白雲苓

結猪苓

宣澤瀉

嫩桂枝

炙甘草

燈心十莖水煎熱服

四君子湯○治痘疹脾虛食少更多泄瀉

官棟參

漂白朮

白雲苓

炙甘草

生薑三片大棗三枚引水煎服

四物湯○治痘疹能食大便秘瘡紅腫

白當歸

正川芎

杭白芍

懷生地

生薑一片引水煎熱服

○一發熱證治歌

凡二十五首
共二十五方

痘瘡初起身先熱 輕重吉凶何以別

熱輕毒淺吉堪云 熱重毒深凶可說

凡發熱乍進乍退與微熱者其痘必稀而輕毒亦淺
不必服藥若蒸蒸作熱煩燥昏眩其痘必密而重
毒亦深宜發表解毒托裏加味葛根湯

初逢熱渴邪藏裏 切忌冰瓜兼冷水

生津止渴是良圖 小渴任之而已矣

凡發熱作渴因痘毒內蒸銷其津液故令口乾而渴

微者類以炒米湯與之、切不可冷水凍柿柑梨
西瓜菱角之類、食之反傷胃氣、亦不可以椒薑湯
飲之、恐生瘡毒、而有他變、渴甚不止、宜解毒葛根
湯

如痘已出齊、或起發、或收靨而渴不止者、宜人參麥
冬散

如泄瀉不止而作渴者、此脾胃虛弱、津液枯也、宜七
味白朮散

腹痛剛逢發熱時 毒攻於裏報君知

大腸秘結須攻下 莫待臨危悔已遲

書云發熱腹中痛、痘瘡毒內攻發多生不久發少更防癰、可見痘疹腹痛、卽是毒氣內攻、便當托裏化毒爲上、不可逡巡以生他變、若飲食如常而腹痛者、宜化毒湯、

如大便秘結、煩燥作渴而腹痛者、宜三黃解毒湯、若泄瀉而腹痛者、宜建中托裏湯、

發熱腰疼、毒伏留 幾人逢此得優游

人參敗毒真奇絕 痛減瘡稀病可瘳

凡痘疹發熱腰痛其證最惡速用人參敗毒及托之服藥後痛止者吉不止者凶

初時發熱多風搐要識病源屬肝木

木能勝土又歸心風火相爭脾不足

凡痘瘡發熱有作搐者因木邪盛而侮土以導赤散加辰砂服之即止此痘甚好以搐搦發散於四肢故也

如痘應出不出而搐搦不止宜瀉青導赤散解之服藥後搐止但心煩啼叫用麥冬導赤散清之

若痘已收靨餘熱不退而作搐此大虛之候多不可救但父母不忍坐視強而治之當以寧神湯合抱龍丸倍加人參服之輕者可愈

熱時吐瀉相兼作 上下毒伸無鬱遏

三焦火盛熱中求 日久須防脾胃弱

凡痘瘡發熱有嘔吐者有泄瀉者有吐瀉兼作者不可驟止令毒上下得出但痘瘡現形吐瀉卽止者吉兆也如久不止先以理中湯和之如仍不止以豆蔻丸止之服藥後吐瀉旣止更服調中湯使脾

氣實其豆易壯易歷也

狂言燥擾疑逢鬼 神識昏迷熱在裏

人平期 譫妄不休應不起

凡 所見而譫語者或昏昏好睡夢中

走尋衣摸床皆毒氣內攻神室不

過所致也急用鎮心解毒之藥以辰砂導赤散主

之服藥神情復舊者吉不止則凶不可治也

渾身發熱四肢寒 脾胃虛衰陰冷干

益氣補中應令暖 仍前瘡盛急尋棺

凡痘瘡渾身宜熱獨耳尻二處宜涼所以痘疹之證
頭宜涼手足宜溫若反冷者此脾胃虛弱也四肢
脾胃所司宜補中益氣扶其中氣斯可矣

發熱熏蒸血妄行 不知何道血如傾

但從鼻出方無忌 別道來時禍立萌

人身之血不可妄動痘疹之火熏爍於內迫血妄行
隨火而動或從口出或從大小便出皆死證也但
從鼻出者或有可救之機宜玄參解毒湯清之若
煩燥悶亂出血不止此陽痘出血之證多不可治

晨昏發熱渾無歇

口舌生瘡唇破裂

咽喉塞痛食難嘗

方用黃連及甘桔

凡痘未出而熱不止晝夜煩燥口舌生瘡唇裂咽痛此毒火熏蒸其熱甚急治不宜緩急以黃連解毒湯合甘桔湯治之服藥不效者不治

微微熱汗言之機

腠理疎通毒發稀

但恐汗多陽氣弱

調元固胃效無違

凡痘疹發熱自汗此不必治蓋腠理疏通毒氣發越無鬱遏也所以古人喻如庖人蒸籠之法但欲其

鬆耳如恐汗出太多衛氣反弱痘瘡不能成就用調元湯以止之

惡熱憎寒且戰競 表虛邪正兩相凌

但將柴葛加官桂 升散餘邪吉可稱

痘疹所忌者寒戰如發熱之時憎寒振戰動者其人表氣素虛痘疹欲出不出留連於肌腠之間邪正交爭振戰火之象也宜柴葛桂枝湯升散之

發熱綿綿不現形 其間凶吉費調停

解肌托裏須斟酌 施治詳明內外寧

凡痘發熱三日便出者常期也如過四五日猶不出
熱勢綿綿無休歇者吉凶之兆未可卜也急與解
肌托裏分內外治之疎者吉密者凶

如勞苦之人皮膚粗厚腠理閉塞及風寒外感瘡爲
外邪所遏不易出者此外因也宜麻黃解毒湯

如因虛吐瀉毒氣內陷而不出及傷飲食陳物苑莖
腸胃之間與毒合併鬱而不出者此內因也體虛
者以托裏十補湯托之體實者以枳實導滯湯微
利之

發表之時少定方 古人專用葛根湯
能通權變知增減 何必勞勞問短長

時師治痘方其發熱但知用葛根湯一見紅點便禁
而不用此乃不知權變者也如痘見熱除表裏無
邪所以不可再用葛根湯若痘已見熱甚不退此
毒深於內尙恐葛根力小不足勝任寧可止而不
飲耶

解毒升麻湯最良 紅斑雖見飲何妨

時師膠柱無通變 一見紅斑未敢嘗

凡痘發熱初用解毒之劑詳見各條之下此不重贅
但附葛根湯加減之例於後俾臨證擇用可也

○入方

加味葛根湯○治痘初熱毒氣深重大熱眩暈、

綠升麻

粉乾葛

京赤芍

炙甘草

荆芥穗

北柴胡

牛蒡子

白桔梗

淨連翹

淮木通

北防風

水一碗淡竹葉七片爲引如大便結加紫草紅花
作渴加麥冬花粉腹痛加酒大黃或秘結亦用酒

大黃解之

解毒葛根湯○治痘疹初熱口渴不止

粉乾葛 天花粉 綠升麻 杭麥冬 懷生地

酒黃芩 粉甘草 茅根汁

水煎衆藥漿以茅根汁對服

人參麥冬散○治痘已出或收或靨而渴不止

官揀參 杭麥冬 粉乾葛 漂白朮 天花粉

酒黃芩 炙甘草

水煎以竹瀝乳汁對服

七味白朮散○治痘因泄瀉津液不足而作渴者

官揀參 白雲苓 漂白朮 南木香 藿香葉

炙甘草

等分粉乾葛君

水煎徐徐代茶飲

化毒湯○治痘初起飲食如常別無他證而腹痛

粉乾葛 杭白芍 杭青皮 廣木香 陳枳殼

京櫛肉 淨連翹 炙甘草

水煎熱服

三黃解毒湯○治痘初熱煩燥作渴大便秘結腹痛

酒黃芩

酒黃連

紫草茸

鮮紅花

小枳實

淮木通

小檳榔

酒大黃

水煎滾熱服、

建中托裏湯○治痘初熱因泄瀉而腹痛

官揀參

炙甘草

綠升麻

粉乾葛

白雲苓

陳枳殼

芽桔梗

小川芎

北柴胡

川獨活

水煎薑引加竹瀝對服或五苓散加獨活亦可

導赤散○治痘初起發熱作搐

大生地

淮木通

蘓薄荷

北防風

炙甘草

鏡辰砂另研

燈心十莖引水煎以辰砂末調服

瀉青導赤散○治痘應出不出而作搐

當歸尾 淮木通 黑梔仁 川羌活 北防風

小川芎 酒黃連 生甘草

淡竹葉七片燈心十莖引以竹瀝對服

麥冬導赤散○治搐搦後心煩啼叫不寧

淮木通 杭麥冬 黑梔仁 生甘草

燈心引水煎服

寧神湯○治痘後作搐至危之候

石菖蒲 白茯神 黑梔仁 川雅連 淮木通

官揀參 炙甘草

燈心十莖爲引水煎入竹瀝人參湯對服

抱龍丸○合前寧神湯治痘後搐搦

膽南星錢四 天竺黃分五 真牛黃分三 明雄黃分五

鏡辰砂分二

共爲末甘草煎濃湯煮麪糊爲丸不用麝香以痘瘡忌麝故也

理中湯○治痘已現形而吐瀉不止

官揀參

錢一

漂白朮

錢二

炙甘草

錢一

綠升麻

錢一

煨薑三片大棗三枚水煎服

荳蔻丸○治痘出吐瀉服理中湯不止者

南木香

錢三

西砂仁

錢二

石龍骨

錢五

白枯礬

錢七

肉荳蔻

麪包煨
五錢

赤石脂

煨過七
錢五分

柯子肉

淨肉
五錢

共爲末米糊丸如胡椒大三歲兒十九四歲以下

二十九陳米飲下

調中湯○治吐瀉既止速調中氣

官揀參 炙黃耆 漂白朮 杭白芍 南木香
廣陳皮 炙甘草

大棗三枚爲引、水煎服、若三焦火盛者、又當甘
涼之劑解之、不在此例、

辰砂導赤散○治痘毒內攻、神室不清、或譫妄狂惑、

官揀參 正雅連 黑梔仁 漂白朮 淮木通

大麥冬 辰硃砂

另研

燈心十莖、水煎入竹瀝、調辰砂末服之、

補中益氣湯○治痘初熱、四肢厥冷、中氣弱也、

官揀參

炙黃耆

漂白朮

廣陳皮

當歸身

青化桂

炙甘草

煨薑大棗引水煎服服藥後手足暖者生逆冷不同者死

玄參解毒湯○治痘初熱毒火熏蒸而見鼻血

潤玄參

枯黃芩

炒梔仁

芽桔梗

懷生地

粉乾葛

荆芥穗

炙甘草

水煎入茅根汁加京墨磨濃調服

黃連解毒合甘桔湯○治痘煩熱不止口舌生瘡咽

多啼哭	大便秘	咳嗽加	咽痛加	衄血加	嘔吐加	四肢冷	譫妄加	泄瀉加
淮木通	懷山藥	廣陳皮	芽桔梗	潤玄參	漂白朮	官揀參	石菖蒲	官揀參
黑梔仁	紫草茸	家蘼葉	牛蒡子	黑梔仁	白雲苓	炙黃耆	黑梔仁	漂白朮
正雅連	鮮紅花	陳枳殼	鮮射干	枯黃芩	法半夏	黑薑灰	淮木通	白雲苓
大麥冬	當歸尾	信前胡		茅根汁	廣陳皮	青化桂	辰砂末	懷山藥

吐舌弄舌證並加 正雅連 北防風 黑梔仁

已上皆用淨水煎服隨證加味用之

○一見形證治歌

凡一十八首
共一十八方

發熱三朝痘出稀 方爲毒淺吉之機

先期痘甚渾無制 過此多因血氣微

凡痘發熱三日而出常期也出而稀者不須服藥如
發熱一二日卽出者此毒氣太甚冲擊榮衛一齊
湧出難以制服大凶之象必欲治之不過消毒救
裏使無陷伏耳宜消毒快斑湯

如過期四五六日始出此血氣本虛不能載毒使出
當補中托裏發表宜增損八物湯

痘出遲遲有數般 皮膚閉塞屬風寒

裏虛吐瀉宜分治 痘壅三焦治却難

凡痘出有常期若應出不出或外感風寒六腑閉塞
不能即出其證頭眩身痛發熱無汗喜蓋覆猥倚
懷中此惡風寒之象也當發散之宜加味參蘓飲
若曾經吐瀉裏虛不能快出宜加減調中湯

如發熱煩燥狂妄大渴唇燥舌裂此毒氣壅併留而

不洩毒火鬱於三焦榮衛不行上下不通而死矣

應期不出事如何 發表諸方切忌訛

腹脹便堅煩燥甚 消斑承氣理沉疴

凡痘疹應出不出或外感風寒內虛吐瀉治各不同
如前參蘇飲調中湯敗毒散葛根湯之類皆良法
也若熱甚腹脹氣粗煩燥悶亂大便秘結此毒火
內蓄急以消斑承氣湯解之

痘出身涼吉可期 如逢熾熱履明夷

終朝漸密無空隙 怪證叢生必定疑

痘瘡之熱毒火爲之未出之先毒火在內故發熱於外既出之後其毒發外熱當盡退毒本輕而痘亦稀也若痘既出熱仍不退是毒積於中未可爲輕急用解肌化斑升托之服藥後熱漸退方可言吉更不退其痘累累而出痘空中始雖稀而終朝漸密最怕生出他證或狂妄或泄瀉或腹痛或搔癢或失聲或錯喉乾嘔或喘促黑陷皆不可治

出現先觀面部中其間凶吉最難通

透唇夾頰方爲吉額上眉心未可逢

人之面部五臟精華皆見於此故左頰屬肝木右頰屬肺金頰屬腎水鼻屬脾土又正額太陽脉之所會唇頰陽明脉之所經兩耳旁少陽脉之所過痘爲陽毒故隨陽位而見於面但陽明胃與大腸積陳受汚氣血俱多先於其部出現者吉若太陽則水火交戰之位少陽則木火相併之衝若於其位出現者凶不但出形忌於正額眉間耳之前後凡起灌收靨但從此處先者皆逆象也

頭爲元首至稱尊更有咽喉闔闢門

若使痘瘡多出此

蒙頭鎖項受災也

經曰頭者精明之府五臟精華皆現於面至尊至貴不可凌犯者也咽者胃腕水穀之道路主納而不主出喉者肺管呼吸之往來主息之出入人非此則水穀絕呼吸廢而死矣故謂闔闢之門痘瘡最要頭項稀少如頭面多者謂之蒙頭咽喉多者謂之鎖項蒙頭則視聽昏廢神明失居鎖項則內者不出外者不入正所謂神出則機息氣止則化絕死之兆也

頭面胸前痘欲稀、四肢雖盛毒猶微、

渾身碎密多惆悵、疏解當知發散機、

頭面諸陽之會、胸前諸陽之聚、臟腑受氣之區、陳氏曰、痘疹輕者作三四次出、頭面稀少、胸前無以清陽之分、不可濁亂也、至於四肢雖爲陽之本、乃身之役使、卒伍卑賤之職、故不畏其多也、若遍身稠密瑣碎、急爲解毒、疎通榮衛、令氣得其均、血得其活、一齊起發、庶幾乾枯黑痿之變、用疏毒快斑湯、隨證加減而調之、

痘瘡磊落不須防

叢聚相黏定見傷

蠱殼蛇皮生不久

蚤斑蚊跡禍難量

凡痘瘡初出須看相去遠近若相去三五寸一粒者輕證也一二寸者頗密如二三成叢者必密而重其候多變癢場如蠱之殼蛇之皮者此氣至而血不隨也當行氣補血宜祛風勻氣散如蚤之斑蚊之跡者此血至而氣不隨也當涼血補氣宜參耆和氣飲

一出形來艷色嬌

定知皮嫩氣虛枵

溶溶破損生難久 個個成漿喜氣饒

痘瘡出形如平日正色者吉痘色帶艷而赤其後多
皮嫩易破癢不可救但見帶艷即防後日癢塌之
變早用疎風固表消毒之藥使血氣充實邪火漸
退正氣不虧光壯乾收如期不亂可也宜固陽散
火湯解毒固表

最怕頭焦黝色封 又愁皮嫩水溶溶

頭焦變黑多歸腎 皮嫩須防癢塌攻

痘瘡初出所喜明潤而鮮堅實而厚若頭焦帶黑此

毒在血分不急治之則變黑歸腎而難救矣宜涼
血解毒湯解散血中之邪 齡音晦青黑色也
若皮嫩醫薄此毒在氣分不急治之則癢塌而死宜
加味固陽散火湯

痘瘡切要解咽喉 喉痺咽喉瘡毒火浮
但恐一朝封管籥 鎖喉聲啞枉營謀

凡痘瘡未有咽喉不痛者如煙窓之狀火焚於下燄
升於上宜乎作痛宜鼠粘子湯外用一聖散吹之
惟恐斑瘡入眼中 膏煎黃檗妙無窮

但觀眼內多紅赤、急瀉心肝免損瞳、

痘瘡之毒第一防眼、所以古人用護眼之法其慮深矣、宜黃檗膏塗之、

若眼內有紅筋縈纏、或眼腫閉、多生眵淚、急瀉心肝之火、宜蟬花散清解之、

痘瘡只出一般奇、斑疹相參最不宜、

消疹化疹宜急解、倘仍不解勢傾危、

錢氏曰、痘只一樣爲善、若已現形間有碎密如芥子者、此夾斑也、皮內鮮紅成塊、此夾疹也、皆毒火熏

燥於內、故使斑瘡夾出於外、急宜解毒、使斑瘡消散、痘得獨成、宜荆防解毒湯消散之、

痘標纔見兩三窠、爬搔渾身癢癢多、

此是火邪留腠理、急清風火證應瘥、

凡痘初出之時、遍身作癢、爬搔不止、此火邪留於肌肉皮膚之間、不能即出故耳、與傷寒不出汗作癢同、非癢塌之例也、宜瀉心肝火邪、其癢自除、宜清風去火化毒湯升散之、

口中腥臭氣衝衝、邪毒炎蒸肺作癰、

瀉火清金須急用 淹延七日禍相從

凡痘初出若口中之氣腥臭衝人此肺中邪火熬煎
炎燥故令腥臭出於口急與清金瀉火湯解之倘
淹延不治至七日而死矣經曰肺絕者七日死此
證之變或失聲或喘或乾嘔皆其候也

皮中簇簇如寒粟 肉腫隆隆似熱瘤

如此豈能延日月 哀哉不久返瀛洲

凡痘初出欲其顆粒分明皮肉柔潤若簇簇生於皮
間似風寒粟子之狀此痘變於反掌不待起發即

隱而不見啼叫煩悶而死矣或有正面腰背胸膈手足腫硬成塊似丹瘤之狀此證俟起發之時其處磨先黑陷破爛不能漿乾較而死皆爲不治

出形未定先涵水起發之時便戴漿

膿水未成收靨急休誇妙術有青囊

凡痘初出一點血血化爲水水化爲膿膿成而毒解此自然之序若初出之時半爲水泡或將起發便戴白漿或膿水未成忽然收靨此毒火太甚失其自然之序不應至而至謂之太過不久倒陷入裏

而死無有治矣。蓋不應至而至，所謂早發還先萎也。比之應至不至者，因其氣血不充，尙有補救，所謂人奪天功，此則不相侔矣。

鼻如竈突，面烘煙，皮似塗硃，或槁然。

唇舌咽喉痘叢聚，任教和緩莫回天。

凡痘瘡之證，始終歸重於太陰陽明。手太陰肺，手陽明大腸，足太陰脾，足陽明胃者是也。蓋鼻者肺之竅，貴於滋潤，鼻乾黑燥如竈突之狀，火刑金也。面者陽明經所聚，貴於鮮明，面黑而枯，精華散矣。皮

者肺之合欲其色紅白如常色若塗硃火之象也
或如橘柚火極如土則黃矣咽喉肺胃之管簾唇
吻脾之竅也舌者脾之絡也痘甚於此其毒極矣
安可治哉、

○入方

消毒快斑湯○治痘末期而出毒氣太甚

芽桔梗

荆芥穗

北防風

京赤芍

炙黃耆

牛蒡子

當歸尾

潤玄參

淨連翹

信前胡

淮木通

天花粉

炙甘草

水煎熱服

增損八物湯○治痘過期而出氣血虛弱

官揀參

漂白朮

炙黃耆

白當歸

正川芎

牛蒡子

荆芥穗

京赤芍

淨連翹

北防風

芽桔梗

粉乾葛

炙甘草

水煎不拘時熱服

加減參蘓飲○治痘應出不出由外感風寒玄府閉

塞

官揀參

家蘓葉

粉乾葛

廣陳皮

信前胡

香白芷 茅桔梗 陳枳殼 川羌活 北防風
炙甘草

竹葉十片爲引水煎服、

加減調中湯○治因吐瀉內氣痿弱痘出不快、

官揀參 漂白朮 炙黃耆 南木香 上薄桂

白雲苓 法半夏 廣陳皮 炙甘草

生薑一片爲引水煎服

消斑承氣湯○治痘因毒火鬱遏應出不出大便秘
結宜下之、

錦莊黃 陳枳殼 川厚樸 片黃芩 川黃蘗

黑梔仁 淨連翹 淮木通 炙甘草

熱甚者加芒硝紫草

生薑三片引水煎滾熱服

解肌化斑湯○治痘出熱仍不退由毒氣未盡也

綠升麻 粉乾葛 淮木通 牛蒡子 芽桔梗

天花粉 地骨皮 荆芥穗 片黃芩 川黃蘗

大便結加紫草茸

水煎熱服

疏毒快斑湯。治痘出渾身瑣碎稠密。

官揀參 北防丰 荊芥穗 淨連翹 牛蒡子

當歸稍 芽枯梗 赤芍藥 炙甘草

熱甚加 酒黃芩 酒黃連 地骨皮

渴者加 粉乾葛 天花粉 太麥冬

氣虛加 炙黃耆 南木香

便堅加 紫草茸 陳枳殼

溺赤加 車前子 淮木通

食少加 漂白朮 京楂肉 廣陳皮

瘰癧者加 上薄桂 南薄荷

腹脹加 川厚樸 大腹皮

喘咳加 淨知母 桑白皮

泄瀉加 上薄桂 柯子肉 黑薑灰

作痛加 白芍藥 酒黃芩

俱燈心引水煎熱服

祇風勻氣飲。治痘出如蠶殼如蛇皮由氣至而血

不隨也

官揀參 正川芎 大當歸 赤芍藥 杭麥冬

北防風 杭青皮 荊芥穗 南木香 上薄桂

炙甘草

水煎半饑服、

參耆和氣飲。○治痘出如蚤之斑蚊之迹由血至而氣不隨也

官揀參 炙黃耆 淨連翹 牛蒡子 酒黃芩

粉乾葛 淨蟬蛻 當歸身 淮木通 茅桔梗

炙甘草

水煎服服後氣血均隨者吉如舊者凶

固陽散火湯○治痘出色艷而赤切防癢塌

官揀參 炙黃耆 炙甘草 綠升麻 當歸尾

北防風 懷生地 淮木通 荆芥穗

大棗三枚爲引水煎服

涼血解毒湯○治痘出頭焦帶黑血分有毒防變黑陷

京赤芍 當歸尾 懷生地 淮木通 牛蒡子

淨連翹 紫草茸 芽桔梗 鮮紅花 山豆根

生甘草

水煎入燒過人屎一錢調服、

固陽散火湯

方見前此加 漂白朮 白雲苓 減去生地黃

鼠粘子湯○治痘出咽喉作痛、

鮮射干 芽桔梗 淨連翹 牛蒡子 生甘草

水煎入竹瀝和勻服、

一聖散

苦參不拘多少切片畧焙乾研爲細末每用一二分吹之甚效若不早治咽喉癢煩燥吸門腫塞水入

則噙食入則嘔咽啞失聲救之遲矣

黃檗膏○治出痘預護其眼免致痘瘡入目

厚川槿

一兩

粉甘草

一兩

二味研爲細末用新萊豆五合汲新水三碗浸豆一晝夜去豆入紅花一兩煮之其水約減二盞又去紅花然後入前二末慢火熬成膏每用敷眼胞上下厚塗之則痘瘡不入眼矣

蟬花散○治痘出兩目腫閉多生眵淚此非封眼之時急治

淨蟬蛻 密蒙花 酒黃連 當歸尾 淮木通
草龍膽 北柴胡 正川芎 黑梔仁 北防風
白豆蔻

淡竹葉十片爲引、水煎熱服、

荆防解毒湯○治痘出夾斑夾疹、

官揀參 北防風 荆芥穗 枯黃芩 牛蒡子
淨知母 川黃蘗 生甘草 潤玄參 綠升麻
煨石膏 淨連翹

淡竹葉爲引、水煎服、服此斑疹仍不消者不治、

清風去火化毒湯○治痘初出風熱作癢表未解也
非癢塌之謂

北防風 綠升麻 杭白芍 柳桂枝 荊芥穗
粉乾葛 牛蒡子

淡竹葉爲引水煎服

清金瀉火湯○治痘出口中腥臭之氣衝人謹防肺
癰

淨知母 懷生地 枯黃芩 煅石膏 芽桔梗
黑梔仁 杭麥冬 紫苑茸 淮木通 天花粉

生甘草

鮮桑葉七片爲引水煎竹瀝對服

○一起發證治歌

凡二十六首
共五十方

起發由來無定期庸常計日強猜疑

不知毒氣分深淺妄執方書只補脾

時俗醫云三日發熱三日出形三日起發此鄙論也
蓋毒氣有深淺元氣有厚薄出之先後壯亦因之
大抵不出五六日間彼毒淺氣厚者其起發常易
毒深氣薄者至五六日始壯者有之未可以常期

準也。俗醫見其起發之遲，不認毒之淺深，槩謂五氣不足，妄用補脾之劑，殊不知曾因吐瀉不能食者，補脾以助長可也。若無吐瀉能食六根堅固，復用補藥，不免黨邪爲害，非徒無益而反害之。

起發如期，貴達從，過猶不及，類皆凶。

先期痘出，充膚腠，過後斑瘡腹裏壅。

凡痘瘡起發，只在六七日，謂之得中，蓋自發熱算起，正當六七日也。如未及期而驟發，此毒火太甚，榮衛氣虛，直犯清道而出，謂之邪氣太過，法當固表。

解毒以防廢場之變宜黃耆芍藥湯

如過六七日不起發此臟腑虛弱毒留於中壅塞不出謂之正氣不及法當托裏解毒以防倒陷乾黑之變宜內托護心散

出形已定視根窠紅活充肥氣象和

倘若青乾兼紫黑急宜解托勿蹉跎

凡痘出現已盡時當起發僅視根窠以決輕重如形充滿色紅潤此氣血和暢毒氣發越大吉之兆不須服藥若形扁而塌色枯而黑此氣血多乏毒氣

癰遏不能起、急用解毒托裏之藥、用十宣散內托之、

痘出稀疏正得宜、如斯平順不須醫、

若然稠密休輕易、解毒常常慮險危、

凡痘出稀少不須服藥、若稠密其毒必盛、防氣血不足起發不透、漸生變易、當服解毒托裏散、服藥之後、紅活光壯、此氣血內實、毒不能留、卽止後服、如服後病勢淹延、此邪氣盛、正氣虛、不能成就、宜屢服之、如服此藥當起不起、此必有變、不可治之、反

取怨尤也、

郭郭充肥完且堅、色多蒼蠟或紅鮮、

如逆破損多鬚薄、縱有良方恐莫延、

凡痘郭郭充實皮囊堅厚以指擦之堅實不破其色
蒼蠟而紅活皆順證也不喜乾燥淫濕若瘡雖紅
鮮反乾燥而不充肥此火甚而血不足宜輕清之
劑退火涼血用四物快斑湯、

如瘡充肥而帶濕浮此濕盛而氣不足宜利濕補氣
兼風藥治之蓋風能勝濕故也四物快斑湯、

如瘡紅活充肥以指擦之隨破此名皮嫩易破後必
癢塌不可治宜大補快斑湯

如當起發如浮囊空殼如蠶之殼麥之麩皮中無水
色者此血氣俱虛用大補快斑湯治之服藥後若
轉而潤澤中涵水色者可治否則癢塌悶亂叫哭
而死矣

形色須教着意觀 紫紅實熱白虛寒
倘然錯認分毫處 咫尺雲泥禍害端

凡痘瘡起發須諦觀形色以定重輕吉凶如根窠紅

潤頂蒼蠟色者上吉、根窠紅頂灰白色者次之、根窠赤頂亦赤而帶艷者、此火勝、用解毒瀉火湯清之、服藥色退者生、不退者凶、

如純白色者、作寒論、此血寒氣虛也、虛則補之、十全大補湯、加丁香、鹿茸、同其陽氣、四肢冷者加附子、如純紫赤色者、作熱論、此血熱氣實、實者瀉之、黃連解毒湯、加犀角之類、以平爲期、服藥瘡色回者十死一生、

四圍起發陷居中、陽氣虧衰尙未通、

若是中枯成黑子、此名疔瘰類非同、

瘰癧起發其形不一有緊小而充實者俗呼珍珠瘰、
此瘰易壯易靨有粗大而飽滿者俗呼天瘰此瘰
早壯遲靨有四圍起中心落陷者俗呼茱萸瘰此
瘰有吉凶有輕重稀者輕而吉密者重而凶蓋因
中氣不足時日未到但四圍起發而中心尙是好
肉未得起發耳時日既到自然充括而成血漿輕
稀者不須治重密者用解毒化斑湯若先有水忽
然乾枯黑陷此名疔瘰不可與中氣不足同例論

中心微起四圍乾、不久焦枯變一般、

毒火熏蒸津液竭、開闢啟齋治應難、

凡痘有中心微起、含水色、四畔乾枯者、此毒火熏蒸、津液枯竭、急以疔痘之法治之、否則盡枯、又復煩躁、叫哭喘渴者、不治、

痘疔只爲火傷陰、濟急無如砭與鍼、

解毒透肌兼發散、胭脂四聖效應深、

大抵痘之初、出一點血、此一點屬正氣、被毒氣衝擊、隨腠理而出、現其後毒與血化爲水、水化爲膿、膿

成毒解若毒太甚熬煎陰血其血乾枯而變黑色
不得化水反閉塞毒出之路以致毒氣陷伏不得
出此名倒陷其人煩燥腹脹喘滿口渴多不可救
故古方外以鍼刺破吮出其血或用燈火燂之無
非欲其開關啟竅而使毒氣得出也宜四聖珍珠
散治之用藥後其瘡便回者吉如不回反添黑陷
死證也不可妄治內服之藥有用穿山甲燒人牙
者藥既非解毒發表之藥又無托裏快斑之能愚
者執而用之適足悞事又不若四聖快斑散屢多

奇效

密齋曰、錢氏用百祥丸、牛李膏、必其人大小便秘結、煩燥作渴、故宜服之、若其人大便自調、身無大熱、則必不可用、今改去百祥丸、牛李膏、以宣風快斑散代之、服此以通爲度、通後瘡回、以四君子湯徐調之、若或因泄瀉、其瘡由灰白而變黑陷、此名倒靨、宜木香快斑散治之、

予按痘中壞證、惟黑陷最惡、凡見黑陷者、大便未必自調、身體未必不熱、神情未必不擾攘、宜風快斑

散或可治其輕者若大便秘結煩燥悶亂大熱口
渴舌上黃黑者捨百祥無以挽回蓋黑陷凶危之
證非峻厲之方不足以制其猖獗今仍加入百祥
九及棗變百祥丸無價散胡荽酒併外治忍冬湯
五方以便臨證酌用萬氏錢氏兩存可也

黑陷瘡爲壞證先此名惡候古今傳

若教出現渾身上盧扁無功莫怨天

凡黑陷用以前治法其瘡紅活依期光壯吉兆也倘
服藥如故則不可治若痘本稀其中起發者多畧

有數個黑陷此則可治假如稠密又不起發或灰白或紫赤或青乾又加黑陷者治之無功

灰白遲延頂復平紫紅掀腫候須明

且將氣血分虛實莫棄圓機執一行

凡痘瘡喜紅活充實若不紅活充實虛也紅腫大過實也假如灰白色當起不起而頂平陷者此氣虛也必問其人初起證候如初因吐瀉不能飲食其後瀉止而灰白頂平者此正氣虛弱宜大補快斑湯以補之

如泄瀉一向不止，用異功快斑湯，兼荳蔻丸。如服已上之藥，泄瀉仍甚，用附子理中湯以溫其中。

若其人素日虛怯，而吐瀉不止，此元氣不足，用補元快斑湯。如誤服解毒寒涼，及誤飲冷水者，用調中快斑湯。

若灰白色，又加癰塌頂陷腹脹，此不治之證。假如紅掀紫腫血熱也，宜涼血快斑湯。

若其人素實，初起誤服熱藥，以致紅掀紫腫，宜三黃解毒湯清解之。若紫赤變黑，喘渴不寧者，不治。

起發猶如錫餅鋪 皮膚光若水精壺

其人能食方無慮 不食將爲鮑肆枯

凡痘瘡稠密要依次起發紅活尖者吉一齊起發遍身白色如錫餅形頭目浮腫此惡候也但看其人
之食飲何如若能食大便堅小便清無他證往往
延至日久渾身皮脫而愈若不能食後加吐瀉熱
渴搔癢必死之證能食者宜服解毒之藥用助脾
快斑湯扶其中氣

起發之時未試藥 口唇瘡色早焦黃

如斯惡候無人識 慢自矜誇強立方

口唇脾之候也脾司運化以養血氣所以痘瘡不宜
脾胃受傷如初出起發之時漿水未試口唇瘡色
內帶黃漿此惡候也時人不識喜其成漿便呼爲
吉不知六七日間其瘡先靨剝落一層而死矣

瘡頭起發漿先白 不問何經皆是賊

慢誇妙手有仙方 七日應爲泉下客

凡痘由紅點而水泡由水泡而膿泡而結痂有自然
之序初起發時頭帶白漿此疫癘也不可治

發時磊落最堪誇、相串牽連事可嗟、

若又四圍添小粟、定然搔癢證來加、

凡痘起發、顆粒分明、尖圓磊落者吉、若彼此牽連成一片者凶、如上分氣血虛實用解毒快斑治之、或本痘起發、或於根窠四畔又旋出小者、攢簇本瘡成叢似粟者、不待養漿、卽加搔癢而死矣、

起發時常驗四肢、發而不透或凶危、

此緣脾胃多虛弱、發散還須當補脾、

凡痘瘡宜視手足何如、若手足循序起發、此脾胃素

強毒氣得越不必憂慮若遍身俱起手足起不透
此脾胃本弱也蓋脾胃主灌漑四肢今既虛弱不
能行其津液使毒得越所以手足起發不齊宜補
脾快斑湯助長可也

起發之時貴謹扶、調和何必問醫巫、

暑寒、食飲須當慎、後悔噬臍莫可圖、

痘瘡有輕變重者、犯禁或誤醫藥或犯風寒有重變
輕者反是然輕重吉凶之變存乎起發之時調護
不可縱弛也或遇暴風驟雨迅雷閃電即當以密

布幃幙緊飾房戶以防客風怪氣之侵如失調護
爲寒涼所鬱不能起發宜正氣快斑湯

凡痘起發之時遇久陰雨不能起發宜平胃快斑湯
以燥其濕

凡痘當起發遇天氣暄熱俗人不知謂痘欲溫暖蓋
覆太厚以致毒火鬱遏不得發越此壯火食氣反
虛其氣宜白虎快斑湯

凡痘當起發悞傷生冷以致脾虛不能起者用理中
快斑湯

凡痘瘡起發、內傷飲食、腹中飽悶、或痛、以致中氣鬱遏、不能起透者、宜寬中快斑湯、

自此常宜大便堅、如常調理、保安然、

若逢泄瀉、無休歇、寒熱須教仔細研、

痘瘡自起發之後、大便要堅、雖三四日一次亦無事、小便常要清利、若見小便赤少、宜四苓新加湯、

或有忽然泄瀉、宜分寒熱治之、視其所泄之物、或焦黃酸臭、此內熱也、或傷飲食、宜胃苓和中湯、

若泄山之物、清白澄冷、裏寒也、用附子理中湯、方見前

如久泄不止用理中湯吞送薤薹丸

方見前

其人能食素脾強大便雖澹也不妨

但用補中消導藥六君加味信良方

其人能食雖有泄瀉不能爲害當用補中之藥宜六君子湯固其中氣

起發預防頭面腫大頭時氣可兼醫

瘡宜磊落色宜潤反此傾危命必隨

凡痘瘡起發有頭面由漸而腫此毒氣發越聚於三陽欲作膿血故皮肉掀腫此雖正病亦當解毒護

目救咽喉而兼治之宜清毒化斑湯

若頭面不腫必瘡本稀疏磊落痘根輕淺雖作膿血却不占處故宜不腫不必治之

若痘稠密應腫不腫此毒鬱於內不能起發急服托裏快斑湯服藥後瘡起者吉不起者凶

至於腫時又要觀其皮色何如磊落紅活者吉模糊黑黯灰色者多不可治

亦有痘將起發便頭目先腫此天行疫癘之氣名大頭瘟者是也急解其毒宜苦參散

面腫頭浮眼不開 如斯惡候實堪哀

未應開處偏開早 搔癢頻加凶禍來

痘瘡起發、頭面浮腫、有不閉目者、但觀其痘之輕重
疎密、若疎輕者、目雖不閉、亦不防、重密者、其目要
閉、宜閉不閉者凶、蓋眼卦鼻塞神氣內固而不外
馳、吉兆也、但遇封眼之時、必待其收靨之時而後
漸開可也、若未及收靨、漸生搔癢、而腫消目開者
大凶、

痛癢原來有實虛、癢虛痛實載於書、

都來痛者終爲吉、諸癢難言吉自如、

大凡諸痛爲實、癢爲虛、謂之實者、邪氣實也、謂之虛者、正氣虛也、蓋痘瘡始終氣以載之、血以養之、氣血充實、則禁固其毒、不得橫行、所以緊實而爲痛也、痛乃美事、不須服藥、苟欲治之、宜涼血、苟藥湯痘瘡作癢、邪氣橫行、泛濫皮肉、不任條約、侵蝕是爲癢也、蓋痘瘡惟回頭作癢、容或有之、此否極泰來之兆、若發熱及養漿時作癢、皆危證也、內宜托裏解毒之藥、外用熏洗之法、令無致於癢塌破陷可

矣。仍要分虛實治之。若能食而大便秘者。此邪氣
內實。正氣外虛。宜加味四聖解毒湯。外用洗法。
若有泄瀉而作癰者。乃正氣裏虛。邪氣外實。宜調元
托裏湯。外用熏法。

起發之時。謂又臨火邪內迫熱偏深。
急宜解毒生津液。休得俄延。向外尋。

凡痘疹起發。身上作熱。不可除其熱。若不熱。則痘不
發。如熱太過。甚於常時。唇焦口燥。小皮短少。不可
不治。宜導赤解毒湯微解之。

若痘瘡作渴此是常事蓋山胃中津液不能滋養本
元內則熾於毒火外則灌潤於瘡故宜渴耳凡一
切瓜果生冷之物不可與食惟炒米湯飲之爲宜
若渴太甚看其人虛實而治

若飲食如常大便堅實而渴者此內熱也宜生津地
黃湯潤之

若泄瀉而渴此內虛津液不足不能上潮於口宜七
味白朮散滋之

聲啞無音更咬牙 憎寒燥擾亂紛譁

錯喉乾嘔多昏悶

形氣俱傷最可嗟

痘瘡始終要聲音清朗人事安靜五臟堅實飲食如常若起發之時忽然失聲咬牙寒戰煩燥昏迷噤水錯喉乾嘔痰氣喘急泄瀉不止腹痛悶亂俱皆凶證古人云痘出而聲不變者形病也痘未出而聲變者氣病也痘出而聲不出者形氣俱病將欲治之誠難爲力咳嗽而失聲者非此論

痘兒嘔噦不堪聞

不是寒邪是火焚

妄進湯丸如拙匠

內傷臟腑匪妖氛

凡痘瘡乾嘔無物或時常噦逆此臟腑內傷衝任之火上犯清道故爲嘔噦之惡聲經曰絃敗者聲必嘶木陳者葉必落臟敗者聲必噦鍼灸無功湯藥無效此之謂也若飲食而嘔當分寒熱而治

如曾傷冷物受寒氣此寒嘔也宜二陳理中湯如未傷冷物及寒氣此熱嘔也宜二陳一運湯和之

若飲食哽塞而嘔噦者咽中有瘡必作痛閉塞而嘔宜加味鼠粘子湯外用控涎散吹之

渾身痘密精神耗 補瀉無功煩復躁

狂言啼哭見鬼神、臟腑敗傷天命到、
凡痘稀少自然易壯、密者切防氣血虧損、起發不透
卽是病之所在、如前法治之、虛則補之、實則瀉之、
在氣補氣、在血補血、隨機應變、每中權衡、不可執
方以悞人命、若補瀉無功、反增沉重、或啼哭不止、
日夜呻吟煩躁悶亂、狂言妄語、如見鬼神、此臟腑
傷敗、神魂離散、復何爲哉、

○入方

黃耆芍藥湯○治痘起發太快、毒火作祟、

官揀參 炙黃耆 生白芍 酒黃芩 淨連翹
北防風 牛蒡子 芽桔梗 粉乾葛 荆芥穗
炙甘草

淡竹葉十片爲引水煎服

內托護心散○治痘起發太遲正氣不足

官揀參 大當歸 北防風 酒黃連 酒黃芩
酒黃蘗 牛蒡子 荆芥穗 淮木通 青化桂
淨蟬蛻 炙甘草

水煎入燒過人屎調服 便秘加大黃紫草

十宣內托散○治痘起發之時形扁塌色枯黑

官揀參 炙黃耆 全當歸 正川芎 芽桔梗

荆芥穗 牛蒡子 北防風 炙甘草

大便秘加酒大黃紫草 小便澀加木通

渴加花粉麥冬葛根

水煎入燒過人屎同服 燒人屎痘科之聖藥也

解毒托裏散○治痘出過於稠密防起發不透

芽桔梗 牛蒡子 荆芥穗 鮮紅花 北防風

當歸尾 淨蟬蛻 綠升麻 粉乾葛 赤芍藥

淨連翹 炙甘草

水煎入燒過人尿同服令易壯易壓

四物快斑湯○治痘瘡乾燥形不充肥

全當歸 正川芎 京赤芍 懷生地 綠升麻

粉乾葛 淨連翹 鮮紫草 荆芥穗 牛蒡子

水煎和燒過人尿服

四君快斑湯○治痘雖充肥而帶淫濕

官揀參 炙黃耆 白雲苓 柳桂枝 荆芥穗

香白芷 北防風 廣陳皮 杭白芍 炙甘草

淨水煎熱服

大補快斑湯。治痘起發皮嫩易破防癢塌。

官揀參 炙黃耆 全當歸 大川芎 赤芍藥

懷生地 牛蒡子 炙甘草 北防風 連翹殼

柳楊桂

水煎入燒過人尿同服。

解毒瀉火湯。治痘出根窠紅赤頂赤帶艷。

酒黃芩 牛蒡子 當歸稍 黑梔仁 淨連翹

山荳根 生甘草 芽桔梗 綠升麻 粉乾葛

地骨皮

水煎入燒過人尿調服服後色退者生不退者凶
十全大補湯。治痘出純白色此血寒氣虛也。

官揀參

漂白朮

白雲苓

懷生地

青化桂

當歸身

大川芎

杭白芍

炙黃耆

公丁香

嫩鹿茸

炙甘草

煨薑三片、大棗三枚引水煎服、

黃連解毒湯。治痘出純紫赤色、血熱氣實也、

正雅連

川黃檗

枯黃芩

黑梔仁

懷生地

牛蒡子

燈心十根爲引、水煎熱服、

解毒化斑湯。治痘四圍起發、中心陷下不起、

官揀參 炙黃耆 生甘草 當歸梢 正川芎

牛蒡子 北防丰 淨連翹 荆芥穗

冬月加 上薄桂

水煎入燒過人尿服、

四聖珍珠散。治痘疥、

新豌豆

新菜豆 各四十九粒
燒灰存性

油頭髮 一握
燒灰

海蚌珠

七粒
研末

右將四味研爲細末、用胭脂取汁、和上四末調勻、以鍼挑破其疔、納藥於中、更以胭脂汁塗四圍、其瘡色同者吉、不同反漆黑陷者死、

四聖快斑散。治痘瘡黑陷、解毒托裏、

淮木通

淨連翹

生黃耆

鮮紅花

鮮紫草

炒麻黃

人中黃

鏡辰砂

另研

絲瓜連蒂燒灰

燒過人屎

俱等分

共爲細末、白湯調服二三錢、

宣風快斑散○治黑陷而身無大熱大小便調者

淮木通 陳枳殼 尖檳榔 川大黃 牽牛末

生甘草

俱等分

水煎服以大小便通利爲度

木香快斑散○治由灰白而變黑陷

官揀參 南木香 炙黃耆 青化桂 杭青皮

柯子肉 炙甘草 當歸身 漂白朮 廣陳皮

薑棗引水煎服中病卽止不可多服恐增熱證

百祥丸○治痘黑陷大小便秘煩燥悶亂喘急舌黑

紅芽大戟不拘多少水煮極軟去骨日中晒乾復
內原汁中煮汁盡焙乾爲末水丸如粟米大每一
二十九研赤脂麻湯下

棗變百祥丸○治證如前方稍緩

紅芽大戟

去骨
一兩

青州大紅棗

三十個
去皮核

右用水一碗以前二味同煮水乾爲度去大戟不
用將棗肉搗爛爲丸從少至多木香湯下以利爲
度

無價散○治黑陷由疫毒而致

用人猶猪狗糞等分於臘月內燒灰磁餅收貯用時以沙糖水調服二三錢。

胡荽酒

卽芫荽也

○治痘疹倒陷不起。

胡荽四兩切碎以好酒入瓶內先煎一二沸入胡荽在內葢定勿煎勿令泄氣放冷每吸一口微噴患者從背至足勿噴頭面病人常令聞此胡荽氣外浴忍冬湯○治痘疹倒陷黑陷不起皆良。

忍冬藤俗名金銀花是也春冬用枝夏用枝葉剉碎以長流水一大盆煎七分將三分之一置浴盆

內以手試之溫熱得中先服宜用湯藥然後浴洗
漸漸添湯以痘起光壯爲度不拘數次

予按忍冬湯治痘焦枯倒陷不起誠爲良法第嚴寒
時令深爲可慮予嘗見寒月當風浴洗痘未起而
作摘死者矣蓋傷於寒也愚意必於帳中捲去被
褥用小盆盛湯抱兒入帳中垂帳以洗則暖氣熏
蒸斷不致受寒生變此法有益無損不可不知

大補快斑湯○治痘起發由吐瀉不能飲食而灰白

官揀參

炙黃耆

漂白朮

炙甘草

杭白芍

全當歸 正川芎 南木香 上薄桂 廣陳皮
藿香葉

大棗三枚爲引水煎半饑服、

異功快斑湯○治痘證久瀉不止、

官揀參 炙黃耆 炙甘草 漂白朮 南木香
全當歸 青化桂 廣陳皮 公丁香 白雲苓
柯子肉

大棗三枚爲引水煎半饑服、

豨薟丸○治證同前服異功不愈者、

肉苁蓉煨

南木香煨

西砂仁炒

石龍骨煨

柯子肉煨

赤石脂煨已上各五錢

白枯礬七錢五分

其爲末麪糊爲丸胡榧大每服十五丸米飲化下
附子理中湯○治痘證中寒泄瀉盡色青白

官揀參

漂白朮

黑炮薑

潞川附

炙甘草

並兒大小加減分兩水煎溫涼服

補元快斑湯○治痘兒脾胃元氣素弱而吐瀉不止

官揀參

炙黃耆

漂白朮

全當歸

炙甘草

當歸土拌炒薑棗引水煎服

調中快斑湯○治痘疹誤服寒涼及冷水以致泄瀉
官揀參 漂白朮 白雲苓 法半夏 炙甘草
青化桂 南木香 廣陳皮 漂蒼朮 川厚樸
藿香葉

生薑三片引水煎服、

涼血快斑湯○治痘疹紅掀紫腫血熱故也、

淨連翹 當歸尾 懷生地 鮮紅花 綠升麻

牛蒡子 生甘草

大便秘加紫草甚者加大黃小便秘加木通、

燈心十莖爲引水煎熱服

三黃解毒湯○治痘初起誤服熱藥以致紅掀紫腫
酒黃芩 酒黃連 酒川槿 淮木通 生甘草
黑梔仁 綠升麻 淨連翹 牛蒡子
淡竹葉爲引水煎熱服

助脾快斑湯○治痘稠密一齊起發形如錫餅

廣陳皮 山楂肉 荊芥穗 牛蒡子 南木香
杭青皮 陳枳殼 淮木通 炙甘草
水煎服一二劑不宜多

補脾快斑湯○治痘疹手足起發不齊

大官揀 炙黃耆 北防風 漢防已 柳楊桂

炙甘艸

水煎服若手足痘見而復隱起而復塌此本根已撥枝葉先萎之象必死不治

正氣快斑湯○治痘犯暴風疾雨寒涼所鬱不能起發

川羌活 漂蒼朮 北防風 芽桔梗 當歸身

粉乾葛 香白芷 正川芎 炙甘艸

冬月加上薄桂

生薑爲引水煎服、

平胃快斑湯○治痘值天時久雨濕滯不能起發

漂蒼朮 廣陳皮 川厚樸 川羌活 北防風

上薄桂 結猪苓 白雲苓 炙甘草

淨水煎半饑熱服

白虎快斑湯○治痘值炎天暑月誤用蓋覆以致毒

火鬱遏閉其腠理不能起發、

官揀參、煖石膏 大麥冬 粉乾葛 綠升麻

淡竹葉 生甘艸 昏迷者加辰砂末

小便赤者加木通 大便堅者加生石膏

粳米一撮爲引以米熟爲度熱服

理中快斑湯○治痘誤傷生冷寒凝不能起發

大官揀 漂白朮 白雲苓 青化桂 黑薑灰

南木香 炙甘草 嘔加半夏 泄瀉加懷山

生薑三片大棗三枚引水煎服

寬中快斑湯○治痘誤傷飲食中氣抑遏不能起發

廣陳皮 法半夏 漂白朮 陳枳殼 六神麴

山槿肉 西砂仁 正雅連 南木香 川紫樸

杭青皮 淨連翹 炙甘草

生薑一片爲引水煎熱服

四苓新加湯○治痘已起發小便赤少

結猪苓 宜澤瀉 赤茯苓 淮木通 白滑石

淨連翹 甘草梢

燈心淡竹葉爲引水煎服

胃苓和中湯○治痘已起發忽然泄瀉或傷飲食

結猪苓 宜澤瀉 漂白朮 白雲苓 廣陳皮

柯子肉 炙甘草 川黃連 南木香 綠升麻
藿香葉

粳米一握爲引水煎服

六君子湯○治痘起發能食而泄瀉雖無害亦宜調
其中氣

官揀參 漂白朮 白雲苓 廣陳皮 法半夏
炙甘草 炙黃耆 六神麴 南木香 綠升麻
西砂仁

生薑大棗爲引水煎服

消毒化斑湯。治痘疹起發頭面作腫。

芽桔梗 牛蒡子 淨連翹 北防風 紫草茸

綠升麻 淨蟬蛻 密蒙花 草龍膽 人中黃

水煎食後服。

托裏快斑湯。治痘稠密頭面應腫不腫。

川羌活 北防風 牛蒡子 芽桔梗 綠升麻

荆芥穗 淨連翹 粉萆葛 當歸梢 上薄桂

炙甘草

竹葉十片爲引水煎服

苦參散。治痘瘡初起頭面未應腫而腫、天行瘟疫也。

川羌活 北防風 牛蒡子 芽枯梗 淨連翹
酒黃芩 荆芥穗 人中黃 嫩苦參
水煎入竹瀝薑汁調勻徐徐服。

四聖解毒湯。治痘瘡作癢能食而大便秘。

紫草茸 淮木通 爛枳殼 炙黃耆 柳桂枝

錦犬黃

酒炒

水煎空心熱服。

洗法○治痘瘡作癢

綠升麻 漂蒼朮 全麻黃 槐樹枝 柳樹枝
煎濃湯乘熱拭之

調元托裏湯○治痘瘡作癢而兼泄瀉

大官揀 炙黃耆 炙甘草 南木香 廣陳皮
柯子肉 嫩柳桂 北防風 川羌活 赤芍藥
荆芥穗

生薑爲引水煎服

熏法○治痘瘡作癢泄瀉內虛者

茵陳藁 蘼艾葉

二味燒烟熏之。如用上二法而癢止者吉。反甚者
凶不治。

導赤解毒湯。治痘起發時身熱太甚唇焦口渴。

淮木通 北防風 大麥冬 淨連翹 地骨皮

綠升麻 白芍藥 粉乾葛 懷生地 天花粉

炙甘草

燈心十根爲引水煎服。

生津地黃湯。治痘起發大便堅實而渴。

懷生地 大麥冬 淨知母 天花粉 炙甘草
竹葉十片爲引、水煎熱服、

七味白朮散。治痘起發泄瀉而渴、

官揀參 漂白朮 南木香 藿香葉 白雲苓
粉乾葛 炙甘草

生薑大棗爲引、水煎服、

二陳理中湯。治痘曾傷冷物、受寒氣而嘔者、

官揀參 漂白朮 廣陳皮 法半夏 炙甘草
生薑三片爲引、水煎服、

二陳一連湯○治未傷冷物寒氣而嘔者熱也

廣陳皮 法半夏 白雲苓 酒川連 炙甘草

竹茹生薑爲引水煎熱服

加味鼠粘子湯○治咽喉中生瘡閉塞而嘔者

芽桔梗 牛蒡子 新射干 北防風 山豆根

廣陳皮 荊芥穗 淨連翹 炙甘草

水煎熱服

控涎丹○吹咽中生瘡

辰砂五

明雄黃三

兒茶五

川槿五

共爲末吹喉中